



UNIVERSITÄTS-
BIBLIOTHEK
PADERBORN

**Tractatus Iuridico-Politicus De Iure Superioritatis Ac
Summa Potestate Rom. Pontificis**

Wesseling, Hermann

Coloniæ Agrippinæ, 1662

Genealogia Imperatorum è Domo Ottomannica.

[urn:nbn:de:hbz:466:1-64514](https://nbn-resolving.org/urn:nbn:de:hbz:466:1-64514)

214 GENEALOGIA AUSTRIACA,

118. Carolus 4. Com. & D. Lucemb. 1387.
119. Wenceslaus Ignavus, & lusor de-
aus 1400.
120. Rupertus Bavarus mortuus 1410.
121. Sigismundus Dux Lucemb. ob. 1437.
122. Albertus 2. Austr. Habsburg. ob. 1439.
123. Fridericus 4. Habsburg. Austriacus
obiit 1493.
124. Maximilianus 1. Austriacus ob. 1550.
125. Carolus V. Rex Hispaniarum re-
gnat 1556. & obiit in Monasterio
S. Justi in Hisp. 1558.
126. Ferdinand. 1. Caroli V. frater ob. 1564.
127. Maximilianus 2. moritur 1576.
128. Rudolph. 2. Maximil. 2. filius 1611.
129. Matth. Hung. Rex. Imp. obiit 1619.
130. Ferd. 2. sancto fine quievit 15. Feb. 1657.
131. Ferdin. 3. 4. Leopold. I. vide sup. & 11
Aurif.

Omnia pratererunt prater amare Deum.

*Genealogia Imperatorum è Domo
Ottomannica.*

QUam levibus principiis Imperium
Turcarum, qui se *Musulmannos* vo-
cant

cant, sub idem penè tempus, id est, anno Christi 1300. quo Serenissima Domus Austriaca per Illustrissimos Comites Habsburgenses anno Christi 1273. elevata esset, sumptis exordium per *Osmanem*, seu *Ottomanum* Tartarum, militem magni Chami, hominem audacem, & sceleratum prætextu injuriarum quarundam à Tartaris recedentem, atque in Cappadocia cum 40. equitibus montes, & aditus insidentem, ac demum profugorum militum, ac mendicorum turmis multiplicatum Cappadociam, Pontum, Bythiniam, Pamphiliam, & Ciliciam invadentem, sæpè in *Aurifodina nostra iuris publici* commemoravimus *verb. Turcicum Imp. pag. 1693. & seqq.* Ubi initium & progressum, vitam, & mores, sævitiam, & crudelitatem, arma, & potentiam contra Christicolas intueri, & admirari licebit. Sunt autem Imperatores Orientales Musulmannorum, seu Turcarum sequentes.

I.

OTTOMANNVS I.

Ertuculis, seu Ortogulis, Tartarici, seu
ut alii volunt, Turcici cujusdam Do-
mini

O 4.

mini

P. 1
 0

mini filius humilis quidem familiae, sed
 alti & magni animi, quem propter milita-
 rem experientiam, & fortitudinem Sar-
 cenorum Sultanus Beglerbegum, vulgo
 Landt Bogt in Cilicia fecerat, post cuius
 obitum an. 1300. quia nullum heredem
 reliquit, hic *Osman* vi, & armis successit in
 Imperium. Uxor ejus fuit filia Edebalis
 Turcici cujusdam Prophetæ, qui parentum
 suo celsitudinem, & gloriam suorum suc-
 cessorum prophetavit, compellavit se do-
 minatorem Asiæ minoris, seu Anatoliæ.
 obiit anno 1328. postquam 28. annos re-
 gnasset, & multos Christianos inclufit
 fet, & crudeliter ad muros civitatum sub-
 pendisset in terrorem. Vide *Aurif. p. 169.*

II.

ORCHANE S.

Filius Ottomanni I. fecit se primo co-
 ronari, ac Regem appellari, accepta
 uxorem filia Regis Caramaniæ. Is primo
 duxit Turcas trans Bosphorum in Gra-
 ciam, multosque Christianos, ac integra
 civitates sua humanitate, ac mansuetudine
 apostatare fecit, ac ditiones suas auxit. Ob-
 iit an. 1358. sui regni an. 31. De hoc vide *Au-
 rifod. pag. 1694.*

III. AMI-

III.

AMVRATHES.

Orchanis filius. Hic à Græcorum Imperatore Joanne Calo in auxilium vocatus postquam hostes ejus delessit, ac ipsi Provinciæ multum arriderent, an. 1360. cum ingenti exercitu reversus civitates Callopolim, Philopolim, & Adrianopolim, in qua residentiam suam elegit, occupavit. Hic è captivis Christianorum filiis formosiores & agiliores selegit, & in Aula sua Turcica artibus, moribus, & equestribus exercitiis erudiri mandavit, qui in hodiernum diem optimi Turcarum milites sunt, & *Ianizari* vocantur. Hic in bello contra Lazarum Servix Despotam à Ministro Lazari an. 1390. transfossus est, postquam regno suo 32. annos præfuisset, & in 73. præliis 68600. Christianos contrucidasset, *Aurifod. pag. 1694.*

IV.

BAIAZETES.

Filius Amurathis superavit Servios, Despotam in frustra concidi jussit. In Asia, & Europa unam Provinciam post aliam
 O 5 subegit;

subegit; cum etiam Hungariam intrare
 meditaretur, Rex Sigismundus electum
 exercitum 60000. Hungarorum, Gallo-
 rum, & Germanorum an. 1396. contra eum
 duxit in Serviam: At Christiani oēs cum
 exercitu 200000. Turcarum cincti truci-
 dati, & capti sunt. Post hæc Bajazetes Con-
 stantinopolim obledit, quam etiam occur-
 passet, nisi Tamerlano Tartarorum Cha-
 mo Asiam devastanti occurrere debuisset,
 à quo anno 1399. in Cappodocia cæsus, ac
 demum in cavea ferrea per universam
 Asiam cum despectu circumductus est, in
 qua anno 1402. capite colliso expiravit,
 postquam plusquam centum millia Chri-
 stianorum miserè absorbuisset, *Aurifod.*
pag. 1694.

V. VI. VII.

SOLIMANNVS, MUSA ZELEBIS,
 MAHV METES.

Bajazetes 31. genuit filios, qui de suc-
 cessione contendentes contra se invicem
 cruenta bella gessere. Solimannus carnis
 & voluptatum illecebris deditus à Musa
 seu Mose bello aggressus, & an. 1411. à ru-
 sticis cæsus occubuit: Hic vicissim à Ma-
 humete

humete captus anno 1414. strangulatus est, postquam Constantinopolim frustra obsedisset, & in Christianos plurimum sævisset. Mahumetes cum suis vicinis pacificè vixit, Christianos non adeò multum vexavit, sed quietè an. 1521. in fata concessit. De hoc vid. *Aurifod. pag. 1695.*

VIII.

AMVRATHES II.

Filius Mahumetis Constantinopolim obsedit, sed frustra; Nam Christianis occurrentibus, & obsessis viriliter repugnantibus, magno sui damno, & confusione in Asiam redire coactus est. Uxorem habuit Despotæ in Servia Georgii filiam, qui cum bellum contra Caramaniam instituisset, Ladislaus Hungariæ Rex de consilio Legati Apostolici Eminentissimi Cardinalis Principis longè prudentissimi cum valido exercitu ingreditur Mysiam, ubi apud oppidum *Varnam* res ad conflictum pervenit, in quo primùm Christiani rerum potiti, postea verò unà cum Rege, & Cardinali usque ad internecionem deleti sunt, quamvis

O 6

in

in eo prælio etiam plusquam 30000. Turcarum occubuerint. Post hoc Peloponnesum, & præcipuè Albaniam intravit; cui tamen generosus Scanderbegus Georgius Castriotus fortissimè restitit. Sæpè quoque à Joanne Hunniade cæsus est. Obiit a. 1450. postquam 31. annos regnasset, & Christianorum plusquam centum millia, aut fame, aut ferro necasset, *Aurifod. p. 1695.*

IX.

MAHV METES II.

Filius Amyrathis II. à matre sua ad Christianismum perductus, & educatus fuit. At postea defecit, & nec Christianus, nec Turca remansit. Hic a. 1453. Constantinopolim, seu Byzantium Imperatorum Orientalium residentiam cum exercitu 400000. obsedit, ac superavit, seque primum Orientalium Imperatorem constituit. Et sic augustissimum, & opulentissimum Orientale Imperium sub Constantino Magno cœpit, & sub Constantino XI. Imp. desiit, cum inexplicabili totius Christianitatis luctu, & exitio, Constantino, & Augusta cum toto Nobilissimo Gynecæo in frustra concidi, & ad turre civitatis sub

pend

pendi iussis; postea tyrannus animatus intravit Pannoniam. Verum Joannes Hunniades, & Joannes Capistranus ei obviam procedentes ab Alba Græca feliciter repulerunt. Nihilominus ex post facto universam Græciam, nec non regnum *Trapezuntium* unâ cum reliquis munitissimis Provinciis *Varadinum* usque occupavit. Ab Hungaria arcebatur per Matthiam Regem potentissimum, contra quem quum nihil efficere posset, se movit in Italiam, & civitatem *Hydruntem* anno 1481. armata manu invasit, omnesque incolas ad 100000. Christianorum strangulari, & occidi mandavit. Eodemq; an. 1481. animam diabolo consecravit, & mortuus est, postquam 36. annos regnasset, duo Christianis Imperia, quatuor regna, 20. Provincias, & 200. urbes abstulisset per Christianorum Principum cenodoxiam, & dissidia: Hi enim, propter lepuseculum velitantur, aut glebam terræ quæritant. Illi vastissimas regiones depopulantur. O Vos Magnanimi Principes Christiani, quid respondebitis in tremendo iudicio, qui vineam Domini, quam feras aper exterminat, conservare debuistis? *Aurifod. pag. 1698.*

X, B A I A.

X.

BAIAZETES II.

Filius Mahumetis II. natus anno 1446. cum Sultano Alcairi, & Venetis plurima instituit bella, at non pari semper successu Christiani quippe magnas ei sæpè clades intulerunt. Et ideò ab eorum fundendo sanguine se se continuit, adeò ut contra Augustissimam Domum Austriacam ne dum manum extendere ausus fuerit, sed & Imperatorem, & Regem Hungariæ in honore, & timore habuerit. Obiit an. 1512. postquam vixisset annos 76, & regnasset 31. *Aurifod. pag. 1699.*

XI.

SELIMVS I.

Filius Bajazetis II. Anno 1414. Persidem ingressus Metropolim *Taurim* occupavit, percussit Regem Ismaëlem, ac deinde Regem Cappadociæ fugavit. Post hæc in Ægyptum se contulit, Syriam, & Alcairum occupavit, duos Sultanos prostravit, ac demum vastum, & nobile illud regnum subegit. an. 1520. plusquam centum millibus Christianorum prostratis, fugatis, & captis, obiit in reditu victor, & gloriosus, cum 8. annos regnasset, & mundum terrore replevisset.

XII. SOLI.

XII.

SOLIMANNVS II.

Filius Selimi I. cruenta ubique gessit bella. Anno 1521. Albam Græcam occupavit, & an. 1522. Insulam Rhodis post mediæ anni obsidionem. Deinde a. 1526. cum 60000. Hungariam intravit, cui Ludov. Rex cum 40000. obviam processit, sed cum toto Christianorum exercitu cæsus, ac fuga lapsus in palude suffocatus est. Hinc Budâ, vulgò *Ofen* ac pluribus aliis locis in Hungaria captis, rediit Solimannus in Græciam & occupavit Insulam Necroponte. A. 1529 tertium Hungariam ingressus Joan. Zepusiensem Regem instituit, ac Viennam Austriæ Metropolim, Cæsareamque residentiam aggressus uno mense frustra obsedit, amissisq; in ea obsidione plusquam 80000 denuò contra Sophi se contulit in Persidem, ubi rerum potitus a. 1532. quarta vice cum valido exercitu rediit in Pannoniam. Verùm propter adventum Car. V. longè potentissimi Cæsar. nimio timore correptus regressus est in Thraciam. Sed anno 1541. quinta vice cum omni sua potentia reversus Budam recuperavit. Anno 1542. Albam Regalem obsidere cœpit, quam
anno

224 GENEALOGIA AUSTRIACA,
anno 1545. Catholicis circa Heterodoxos
& Protestantes refrenandos occupatis, sibi
subegit. Anno 1546. relicta Pannonia
cum novo exercitu pulsavit coronam Pe-
siae, ubi repulsam passus in octavo & ul-
timo in Hungariam introitu ante Zigetum
anno 1566. obiit, postquam 50. annos re-
gnasset, & octingenta Christianorum mil-
lia prostrasset, *Aurifod. ibid.*

XIII.

SELIMVS II.

Filius Solimanni II. Venetis Insulam
Cypri abstulit, sed non multo post à Chris-
tianijs sub Duce D. Johanne de Austria
apud Naupactum totus ejus exercitus à
Imperatore funditus deletus est, unus
morbo, & afflictione correptus an. 1574.
misere periit octavo regiminis, & 48. aeta-
tis suae anno. Postquam 20000. Christi-
anorum fame, & ferro crudeliter macta-
set. Quo tempore Turcicum Imperium
facile extingui potuisset, nisi diabolus no-
vam discordiam inter Christianos semina-
nasset, & A catholicos contra Ecclesiam
Dei, & Caesarem excitasset, *Aurif. p. 109.*
97. & 98.

XIV. ANNI

XIV.

AMVRATHES III.

Filius Selimi II. successit patri suo anno ætatis suæ 72. qui quinque fratribus suis ante oculos suos mox strangulari iussis, continua gessit bella contra Hungariam ex una, & Persidem ex altera partibus tanto furore, ac rabie, ut nulli statui, aut sexui parceret, & Christianum nomen Vulcano committeret. Hic est ille tyrannus, qui Serenissimas, & Confoederatissimas Domos Austriacam, Bavaricam, & Saxonicam ferro, ac flamma delere, & incolas Sacri Romani Imperii Principes, Episcopos, & Proceres vivos decoriare, eorumque liberos ad portas civitatum suspendere juraverat. Obiit anno 1595. postquam 21. annos regnasset, 102. proles generasset, præter 5. fratres duas gravidas novercas, & innumerabilem Christianorum multitudinem necasset.

XV.

MAHV MET II.

Amurathis III. filius suo adhuc parente crudelior 19. fratres suos, & 10. gravidas novercas interfecit, cruenta quoque bella

P

contra

contra Hungariam paravit, at sæpius
 quam parens à ferocissimis Hungaris ca-
 sus multa fortissima loca, ac prælia amittit
 quæ ejus pater crudelissima internecione
 subegerat. Obiit an. 1604. postquam 9. an-
 nos regnasset, & 6782. vèl circiter Christi-
 nos supplicio affecisset. Hujus interitum
 gaudium attulit universæ Christianitati
 quæ tot præclaras rebus jam desperatis, ab
 Imperatore, & Domo Austriaca partas vic-
 ctorias intercessioni Deiparæ Virginis
 Mariæ adscribit, *Aurifod. iur. publ. p. 169*
98. & pag. 1803. & seq. Ubi vide.

XVI.

ACHMETES II.

Mahumetis II. filius successit patri suo
 in Imperium annos natus quindecim, po-
 cem fecit cum Rudolpho II. Imperatore
 & bellum contra Perlidem instituit, pro-
 fus infortunatè, siquidem omnia perdidit
 quæ prædecessores ipsius cruenta manu ac-
 quisierant. Ex tunc Rex Persarum longè
 potentissimus Christianorum Imperato-
 rem Rudolphū II. ad confœderationem
 & perennem contra Turcas unionem per-
 traxit, quo mediante plusquam 100. milia
 liona

liones Christianorum à cæde Turcarum conservati sunt ; sed novis inter Christianos Principes propter muscam, & labruscam litibus ortis plurima loca modico tempore recuperavit. Unde magnus Persa furore percitus exclamasse dicitur : *Si Christianorum Imperator essem, duo patibula erigerem, alterum pro Regibus, alterum pro Principibus, ut pacem inter se servare addiscerent.* Obiit anno 1617. postquam 30. annos vixisset, & 15. regnasset. Vide *Aurifod. nostram iur. publ. pag. 1697.*

XVII. XVIII.

MUSTAPHAS, & OTTOMANNVS II.

Mustaphas successit fratri suo Achmeti Janizarorum ope. Quia verò nepotibus suis pepercit, Ottomannus Achmetis filius anno 1618. supra thronum positus, & Mustaphas in carceres coniectus fuit. Ille autem postquam cum Janizaris, quos omnes extirpare volebat, convenire non posset, Mustapham è vinculis reduxerunt, & ejus loco Imper. constituerunt, qui Ottomannum 1622. 4. regiminis sui an. in frustra concidi mandavit. An. tamen sequenti

Mustaphas denuò à Janizaris depositus, & in arctum Monasterium omni lumine destitutum detrusus est, ubi à vermibus consumptus expiravit. Sic transit gloria mundi, *Aurifod. pag. 1698. & pag. 1804.*

XIX.

AMVRATHES IV.

Achmethis II. filius supra thronum elevatus est, postquam Mustaphas depositus esset. Sub hoc Amurathe regnum Hungariae pacatum, & tranquillum permanens propter Cosaccorum rebellionem in Asia & Tartarorum, Persarumque motus, quos debellando suppressit. Obiit anno 1640 annos natus 33. postquam 17. annos regnasset, & 7. Christianorum Principes à rebus captivos lamentabili celestium strage lassisset, eò quod adversus proprium suum Caesarem ab Amurathe supplicias sollicitarent, indignum judicans, quod subditi Principes à suo capite deficerent: *Reddite ergo quae sunt Caesaris, Caesari, & quae sunt Dei, Deo.* Vide *Aurifod. nostr. verb. Turcicum Imp, pag. 1699.*

XX. IBERIA

XX.

I B R A H I M.

Frater Amurathis successit ei eodem anno 1640. qui strangulatis aliis fratribus solus remansit, is cruenta bella contra Perfidem instituit, ac Babylonem armata manu occupavit. Verum anno 1649. Imperiali throno privatus, & strangulatus est, postquam 3. Principes, 7. Comites, plures Barones, & nobiles, ac plusquam bis mille quingentos è Christiano grege sustulisset, *Aurifod. iur. publ. pag. 1700.*

XXI.

A C H M E T E S IV.

Ibrahimi filius successit anno 1648. sub idem tempus, quo pax in Germania conclusa est *Monasterii, & Osnabrugi Westphalorum*, anno ætatis suæ nono. An. 1650. cum Cæsare Ferdinando III. gloriosissimæ recordationis, pacem ad annos 22. conclusit, quam tamen nunquam exactè servavit, sed pro re nata foedi-fragus sæpè exitit, ut in moderno bello Turcico, ac Varadino Christianitati ablata manifestum est.

P 3

Quam

Quam civitatem utpote munitissimam
 seu portam Hungariæ, ac totius Sacri Ro-
 mani Imperii, nisi Christiani Principes
 omni studio recuperare conentur, ante
 quam vigilantissimus, & ad Rempub-
 licanam attentissimus Cæsar, & Im-
 perator noster *Leopoldus* cum Turca in
 Transylvania prædominante, & Regno
 Hungariæ infestante pacem inire cog-
 tur, reddent de eo in die iudicii rationem
 quod Imperatori fidelius non succurrant
 videntes Turcam instar esse draconis infa-
 tiabilis, qui unam Provinciam post aliam
 & plurima mundi Regna deglutiatur, ac
 devastet, prout patet in Ægypto, eiusque
 vicinia, ubi ex 20000. civitatibus solum
 modo 300. sunt residuæ. Vide D. Joan-
 Boter. Abbat. 2. part. relat. univers. lib. 1.
 tit. Di Casa d' Austria. Qui conservatio-
 nem Imperii Romani fermè soli Augu-
 gustissimæ Domui Austriacæ quasi divini-
 tatis ad nostram custodiam constitutæ ad-
 scribit. Et ita revera se res habet: Nam
 licet Cæsari tot milliones, tot milites, &
 obsequia, quot in *Aurifod. nostra* deser-
 ptimus, quotannis ex Imperii arario com-
 petant, vix tamen Sacrum Romanum
 Impe-

Imperium suum gravat, sed ex Provin-
ciis, & Regnis suis hæreditariis amplissi-
mis, & fertilissimis omnem penè mili-
tiæ machinam sustinet, ut verè sit, &
habeatur Sacratissima illa Austriaca Do-
mus totius Christianitatis primarium, &
solidissimum propugnaculum, ut vide-
re est in *Aurifodin. nostra verb. Hunga-
ria, verb. Turcicum Imperium, & verb.
Vires Turcici Imperii, &c.* Ubi patet,
Turcarum Imperatorem existimare, to-
tum mundum suum esse, si Domus Au-
striaca sua esset. Quia est omni Rege po-
tentior, in qua consistit, & residet sa-
lus, & nervus Romani Imperii, sicut
anima residet in corpore. *La quale, ait
Boter. non cederebbe nè in moltitudine di
popoli, nè in ricchezza di tesori, nè in ma-
gnificenza di Città, nè in grandezza di
forze a i maggiori Regna della Christi-
tà, &c.* Hæc ille dict. loc. De Majesta-
te, & pompa, de divitiis, viribus, ac
regimine Imperatoris Turcarum. Vid.
*verb. Turcicum Imperium, & verb. Vires,
&c. pag. 1803. 1804. & 1805.* Ubi & hic
titulus pro magnitudinis notitia appo-
nitur:

*Imperator Achmetes filius Ibrahimi
 semper victor. Ego qui per infinitas gra-
 tias Omnipotentis, & abundantiam Mi-
 raculorum Principis Prophetarum, sum Im-
 perator Augustorum Imperatorum, distribu-
 tor Coronarum, ac Diadematum inter maxi-
 mos terræ Principes, Minister duarum Sa-
 cratissimarum, & Augustissimarum urbium,
 & pulcherrimarum totius orbis Mecca, &
 Medina, Protector sanctæ Hierusalem, Cu-
 stos Sepulchri Christi Domini, Asia, Africa,
 & maxima partis Europæ victricis nostro-
 se parte, scilicet Regionum, & Regnorum Gre-
 ciae, Themisuar, Bosnia, Segeti, N atolia,
 Caramania, Aegypti, omnisq; terræ Partia-
 rum, Curde, & Georgianorum, Porta ferræ
 Regionisq; Principis parvorum Tartarorum
 Cypri, Diarbequir, Aleppi, Arserum, Damasci,
 Babylonis, Barzara, Arabiarum, Abech, Tu-
 nis, Tripolis, Barbaria, & plurimarum alia-
 rum Regionum, Insularum, fretorum, por-
 tuum, populorum, familiarum, generationum,
 & infinitarum myriadum præstantissimo-
 rum militum, qui sub nostro obsequio requie-
 cunt, & sub mea iustitia, qui sum Impera-
 tor N. filius Imperatoris N. & Imperatoris N.
 Gratiâ Dei refugium præcipuorum Principum*

pum mundi, & asyllum honoratissimorum Imperatorum, &c. Nebulo nebulonum, esca Diaboli, tyrannus Christianorum, &c.

Prima Turcici Imp. sedes fuit in *Prussa* urbe Bythinæ, quæ postea Adrianopolim translata fuit, postremò Constantinopolim, in qua quidem urbe Regium est Palatium ambitus trium milliarium mœnibus clausum, & opportunissimo totius orbis situ gaudens, quod quidem vulgò *Seraglio* dicitur, in quo sunt viridaria amœnissima, fontes jucundissimi, fabricæ sumptuosissimæ, & innumeræ mansiones, seu cubicula ornatissima.

Intra hoc Palatium, seu Claustrum sunt minora claustra duo pro mulieribus, in quorum uno sunt propè 1500. mulieres, ex quibus 150. pro quotidiano Imperatori usu, quæ in aliud claustrum includuntur ad fœtus nobiles procreandos: Ducenti verò sunt, quibus Turca mandavit singulis quadrienniis per Græciam, VVallachiam, Bosniam, & Anatoliam, reliquasque ditiones suas colligere Christianorum pueros masculos ex singulis familiis tanquam decimas sibi debitas, quos Constantinopolim, Peram, Adrianopolim, &c. ad-

P 5

ducunt,

ducunt, & civibus educandos tradunt, ac
 minus elegantes in Bursia, & Caramania
 agricolis tradunt nutriendos, & cum ad
 octavum annum pervenerint, elegantio-
 res in *Saray*, id est, Palatium præcipuum
 Imperatoris Constantinopoli collocantur
 usque ad quingentos, ibique in literis, &
 armis, donec 20. annum compleverint,
 exercentur. Ex his eliguntur præter Aula
 Ministros, & Officiales, *Janitzari* pe-
 dites, quos ad 12000. ad sui custodiam
 habet Imp. ne à Christianis occidatur.

Ex Janitzaris spectabiliores electi *Spa-
 choglani* ad 3000. dexteram Principis, sin-
 guli 4. aut 5. equis servientes. Ex iisdem
Silichtar ad 3000. similiter 4. aut 5. equis
 servientes sinistram Principis latus tuen-
 tur. Post hos duos ordines *Spachoglan*, &
Silichtar equitant *Vlofagi*, 5000. ad dexte-
 ram Imperatoris, & 5000. ad sinistram, qui
 oēs ex Janitzaris, aut ex abjuratis Christia-
 nis, qui fideliter Beglerbego, aut Bassa
 servierunt, eliguntur. Post hos ultimi se-
 quuntur equites *Charipici*, id est, paupe-
 res, qui ex omnibus Provinciis Turcici
 Imperii, & diversis Nationibus Christianis,
 Persis, Mauris, Syris, Arabibus, Barbaris, &
 Tartaris sponte ad Imperatoris servitium

stipendii causa confluunt, ex quibus 2000. selectiores Imperatori serviunt. Item ante Imperatorem 200. *Mutaserachi* lanceam gestantes equitant, qui ex servis ob facinus aliquod egregium sunt manumissi, & in Nobiles Aulæ electi. Item post hos 30. *Chanseler*, id est, Caduceatores ante Imp. equitant, qui occursum populi prohibent, & viam Imperatori aperiunt, supplicationes quoque ipsi tradendas recipiunt.

Post hos proximè pedites *Solachi* qui arcum inauratum cum sagittis portantes 200. Imperatorem præcedunt, 200. sequuntur, & ex utroque latere 30. comitantur.

Juxta hos propè equum Imp. incedunt sine tibialibus, & calceis 100. *Peteler*, id est, Cursores, quos huc illuc in pace, & bello mittat. Hæc perpetua Imper. est custodia. Habet porrò per ditiones, ac Provincias suas in defensionem illarum alia præsidia. In limitaneis ditionū Christianorum sunt supra 10000. Janitzarorum. Intra Provincias autem Turcicas 9000. Janitzarorum sparsim commorantur, nulli Beglerbego, aut Bassæ subjecti, sed immediatè Imperatori, & liberi ab omni contributione. Est item per Provincias alia juvenus

disperfa ad 10000. ex qua suppleri poffunt, qui in limitancis Provincialibus ordinibus defecerint.

Reliquæ omnes copix militares præter dictas subsunt Beglerbegis, seu Bassis, qui sunt Rectores Provinciarum. Ita Theod. Sanduginus *de morib. Turcar. per tot.* Hanc rem Ptolem. Anton. Magin. & alii paulò aliter explicant; quos vide *in Aurifod. nostra verb. Turcicum Imp. pag. 1727. & seq. & verb. Vires, præeminentia, & tit. Turc. Imp. pag. 1803. per tot.* Ubi totum illud Imperium cum incolis, & accolis descriptum reperies.

Verumenimverò hæc Turcarum deliramenta nullius sunt momenti respectu Imperii Romani, cujus Imperator non servis, & mancipiis, sed Regibus, & Principibus dominatur, non servit veneri, ac concubinis, sed unicam suam, & Majestofam habet Imperatricem, Augustam, & totius orbis Dominam castam, pudicam, sanctam, & timoratam, &c. Vide *in Aurifod. verb. Rex, & Imperator Rom. p. 1521.*

Tertium Majestatis locum post Christianorum, & Turcarum Imperatores, ac Reges Hispaniarum, & Galliarum, &c. sibi vendi-

vendicat *Magnus Cham* Tartarorum Imperator potentissimus, qui Presbyteri Joannis primogenito dat filiam, & contra regnat in omnibus terris, in quibus Nabuchodonosor, Darius, Balthazar, Arphaxad, Assuerus, & Romani in Oriente ab antiquo regnabant, quamvis per Turcam, & Persam regna sint mutata. De hoc agitur in *Aurifod. nostra juris prbl. verb. Turc. Imper. & verb. Vires, &c. ut supr.* Ubi perfidia Nicolaitarum inter Tartaros notatur, qui inter cætera prædicant, per misericordiam Dei adhuc dæmones esse salvandos, quæ credendi licentia, & *αυρονομία* Lutherum, & Calvinum extimulavit, & opera bona non prodesse persuasit.

Quartum locum obtinet magnus ille Princeps Abyssinorum, qui ab Europæis *Presbyter Ioannes* vocatur, cuius Imperium est in Æthiopia superiore, quæ est quinta pars Africæ, estque inter potentissimos totius orbis connumerandus, ex antiquissimo stemmate Davidis procreatus: Descendit enim hic Princeps à quodam filio Salomonis, qui *Meilach* vocabatur, & à Regina Saba vicina Abyssinorum Imperatori. Receperunt fidem Christianam sub Regina

na

na Candace, quo tempore Domus Caspa-
 ris coepit regnare, & florere in Æthiopia;
 & ab hoc Caspare post 13. generationes de-
 scendit *Ioannes* cognominatus *Sanctus*, is
 tempore Constantii Imperatoris, quia ha-
 redes masculos non habuit, relinquens Im-
 perium filio natu majori Caji fratris sui, in-
 vestivit Balthasarem, Melchiorem, filios
 que minores, unde sanguis Regalis mansit
 divisus in tres familias, Casparis, Balthasa-
 ris, & Melchioris, & ordinavit, quod Im-
 perium daretur per electionem uni ex his
 3. familiis, si primogenitus non extaret.
 Hic Rex ante adventum Turcarum erat
 post Romanum Imperatorem potentissi-
 mus inter Reges terræ, & obtulit Regi Por-
 tugallie una vice contra infideles, & hære-
 ticos 100000. drachmas auri, & militum,
 & annonæ quantum desideraret, etiam
 200000. si vellet. Potest namq; ut ait Al-
 varez, hic *Presbyter Ioannes* centena millia
 millium mittere in campum. Habet porro
 magnus hic Princeps Religionem quan-
 dam militarem equestris ordinis sub pro-
 tectione S. Antonii, cui quilibet Paterfam-
 tertium quemque filium è sua sobole, non
 tamen primogenitum consecrare, & of-
 ferre

ferre debet. Ex his seligit ille Princeps
 12000. nobiliores, & elegantiores pro sui
 custodia, reliqui fines Imperij ab inimi-
 corum, & gentilium Christianis insultan-
 tium insidiis defendunt. Et quamvis inco-
 læ Christi cultum observent, & *Papam Vi-*
carium Christi, ejusque summam in terris
 potestatem agnoscant, ac pleraque Sanctæ
 Romanæ Ecclesiæ, visibilis, & omnis erro-
 ris expertis dogmata admittant, in quibus-
 dam tamen à nobis Catholicis, & Ortho-
 doxis discrepant: Nam circumciduntur
 omnes etiam foeminae, atque etiam bap-
 tizantur ritu Catholico post 40. dies ab eo-
 rum natali: Quin etiam singulis annis ite-
 rum se se baptizare solent in die Epipha-
 niæ Domini, omnibusque baptizatis mox
 Sanctissima Eucharistia ministratur. Mis-
 sam quoque celebrant, sed Sacerdotes se-
 culares nubendi licentiam impetrare pos-
 sunt non à Legato Sedis Apostolicæ, sed
 ab ipso Principe *Presbytero Ioanne*; Mo-
 nachi non nubunt, sed servant perpetuam
 castitatem, paupertatem, & obedientiam
 juxta formam Romanæ Ecclesiæ: Jeju-
 nium Quadragesimale durat in Æthiopia,
 & per omnia Regna hujus magni Princi-
 pis

pis 50. diebus, quibus adeò se macerant, ut
 eo decurso vix movere se possint. De col-
 latione Sacrorum Ordinum, de Sacramen-
 torum administratione, Episcoporum or-
 dinatione, de Religiosis, & Laicis, deque
 eorum bonis, & redditibus, Primatibus, Ar-
 chiepiscopatibus, Episcopatibus, Canoni-
 catibus, Pastoratibus, de horis Canonicis
 Nocturnis, Vigiliis, Missarum Solemni-
 bus, Sanctorum cultu, ac caeremoniis ipse
 Summus Presbyter, & Rex Æthiopiæ ad-
 eò eleganter, ac scitè disponit, ac si *Ceremo-
 niale Romanum, & Concilium Tridentinum*
 lustrasset. In itineribus equitat rubris cor-
 tinis altis, & longis, quæ eum undique cir-
 cunt, circumdatus, tredecim secum alta-
 ria viatica, seu lapides portatiles consecra-
 tos, quæ sunt eorum Ecclesiæ, in quibus
 summâ cum reverentiâ Sacri Sacerdotes
 Missarum solemnia peragunt, gestat in ca-
 pite coronam media ex parte auream, &
 mediâ argenteam, sicut & omnes Nubiani
 Presbyteri in honorem trium Regum co-
 ronati ad altare accedunt, crucifixum in
 manu tenens, facie aureo tulipantho vela-
 tâ. Nemo ad cortinam accedit, nisi tardis-
 simo gressu, ac profundissima inclinatio-
 ne

ñe, plurimisque caremoniis, Legatis Ro-
 mani Pontificis integram revelat faciem,
 Romani Cæsaris, qui tamen vix amplius
 eò usque ad Nilum, Abbassiam, & mare
 Rubrum pertingunt, ac Turcarum Am-
 basciatoribus mediam, reliquis verò mi-
 norem faciei partem, aut quandoque ex-
 tremitatem pedis extra cortinam osculan-
 dam porrigit, maxime propriis Regibus,
 ac Principibus sibi subditis, qui singulis an-
 nis novum homagium, ac juramentum
 Christianæ fidei particulari ratione præ-
 stare coguntur. In summa habent Abyssi-
 ni veneratione Sanctissimam Dei Matrem,
 & Virginem MARIAM, S. Thomam Apo-
 stolum, S. Antonium, aliosque Sanctos ab
 Ecclesia Catholica approbatos, & rece-
 ptos. Illorum Princeps seu Imperator
Ioannes Presbyter nullum habet Palatium,
 sed sub tentoriis degit quorum 6000. se-
 cum defert. Unde tota eius vaga Aula
 10. vel 12. ferè milliaria occupat, atque de-
 cies centum millia ad bellum instruit, ac
 insuper 50. Elephantes, Equorum verò, &
 Camelorū multitudinem innumerabilem.
 Præcipua ejus Regna ad Altam Æthio-
 piam pertinentia sunt circiter 14. nempè
 Q Berna-

Bernagassum propè Ægyptū, Tigremaon
 inter Nilū, & mare Rubrū, Tigrat, in quo
 est urbs *Cassimo* sedes olim Reginae Sabæ,
 Angoræ, Amara, Fatigar, Damut, in quo
 sunt Amazones mulieres bellicosæ, quæ
 arcibus utuntur, & Reginam habent, &c.
 contra Mauros, & Turcas continuò belli-
 gerant. Et ideò lex est apud Mauros, qua
 cavetur, ut nemo possit nubere, nisi
 Christianos occiderit. Titulum, & plura
 alia vide in *Aurifod. verb. Vires, pag. 180.*
 & *verb. Turcic. Imp. pag. 1711. & seqq.* Et
 apud Joan. Boter. in *Relat. de Presbytero*
Iomme, &c.

Post Romanos Pontifices, & Impera-
 tores de Cardinalibus Sacræ Romanæ Ec-
 clesiæ & Electoribus Imperii pauca agen-
 da restant, siquidem abundè de iis actum
 est *Aurifod. nostra iuris publici, verb. Ro-*
ma caput mundi, &c. Ubi apparet inter
 alia Papam sub se habere intra urbem
 quinque Ecclesias Patriarchales dictas
 quæ sunt Ecclesia *S. Ioan. Lateranensis*
S. Petri Monasterium: S. Pauli intra mo-
ros urbis: S. Maria Maior, & Monast-
rium S. Laurentii. His Ecclesiis diximus
 porrò assignatos Episcopos 8. Primus e-
Soma

Sum. Pontifex, reliqui sub eo. *Ostiensis*, qui Patriarcha Campaniæ, & Papam consecrat, *Velletrensis*, sive *Valerensis*, *Portuensis* sive *S. Ruffina*, & *Secundæ*, *Sabinensis*, *Tusculaniensis*, *Pranestiniensis*, & *Albanensis*. Iisdem Ecclesiis adsignatos Presbyteros Cardinales 28, videlicet: *Titulo S. Crucis in Ierusalem*: *Titulo SS. Joannis, & Pauli*: *Titulo S. Stephani in Celio monte*: *Titulo S. Susannæ*: *Tit. S. Petri ad vincula*: *Titulo S. Priscæ*: *Tit. S. Syriaci in Thermis*: *Tit. S. Marcelli*: *Tit. S. Balbinæ*: *Tit. S. Grisogoni*: *Tit. SS. Marcelli, & Petri*: *Tit. S. Anastasiæ*: *Tit. S. Clementis*: *Tit. S. Potentianæ*: *Tit. S. Martini in Montibus*: *Titulo S. Praxedis*: *Tit. S. Marci*: *Tit. S. Laurentii in Lucina*: *Tit. S. Mariæ in Transtiberina*: *Tit. SS. IV. Coronatorum*: *Tit. S. Sabine*: *Tit. SS. Nerei, & Achillei*: *Titulo S. Sixti*: *Tit. S. Eusebii*: *Tit. S. Vitalis*: *Tit. Basilicæ 12. Apostolorum*: *Tit. S. Laurentii in Damasi*: *Tit. S. Cecilie*. Iisdemque adjunctos Diaconos Cardinales 18. & Episcopos extra urbem in Campania maritima, qui sunt *Agnaninus*, *Alatrinensis*, *Fundanus*, *Tiburtinus*, *Sagninus*, *Terracinensis*, *Verulanus*, *Feretinus*, *Soranus*, *Aquinus*, &c.

Q 2

Omnes

Omnes Eminentissimi, & Illustrissimi
Principes Sanctæ Dei Ecclesiæ columnæ,
& firmamentum, anchoræ, & candelabra
ante Pontificiam Majestatem lucentia, sic
ut Seraphini in cœlestibus, Barbat. *in tra-*
ctat. de præstantia Cardinalium, in l. q. 1.
& *in Aurifod. nostra, pag. 1324.*

Ad Cardinales proximè accedunt Sa-
cri Romani Imperii *Electores* Septemviri,
qui sicut Cardinales Regibus æquiparan-
tur, ut *in Aurifod.*

Electores sunt Status Imperii, à Sede
Apostolica jus eligendi Cæsarem habentes,
Majestatis constituendæ arbitri, ac præ
omnibus Sacri Romani Imperii Principi-
bus maximis prærogativis à Papa, & Cæ-
sare condecorati, Regibus haud minores.
Et quod hoc jus à Papa habeant, nempe à
Gregorio V. testatur Innocent. III. *in cap.*
Venerabilem, de elect. in Clement. Hieron.
Balb. *in lib. Singular. de Coronat. ad Caro-*
lum V. pag. 33. Ubi *Electores* à Gregor. V.
de Anno Domini 1002. ad instantiam Ot-
tonis III. Imp. constitutos scribit Petrus
de Andlo, & alii, quos vide *in Aurifod.*
nostra iur. public. verb. Ordo, Origo, & Offi-
cia Electorum S. Rom. Imp. pag. 1241. verb.
Membra,

Membra, ordines, & status S. R. Imp. iuxta Matricul. pag. 106 2. Item verb. Magistratus Suprem. seu Monarchia Sac. Rom. Imper. pag. 981. Item verb. Lex Regia Germania, sive de Capitulat. Caesar. pag. 924. Item verb. Imperii Romani initium, & progressus, eiusque caput, & membra, pag. 701. Et maximè verb. Electio Imp. quomod. fiat, pag. 419.

Fuerunt autem Electores *Moguntini* Sac. Rom. Imp. Archicancellarii Germaniæ 47. Primus fuit Willegisus patre Carpentario, à quo primùm rotæ insignia, anno salutis 1002. à Gregor. V. creatus, usque ad Joannem Philippum à Schönborn, Collegii Decanum.

Trevirenses Sac. Rom. Imp. Archicancellarii per Galliam, & Regnum Arelat. 39. primus fuit Ludolphus è Duce Saxoniæ usque ad Carolum Casparum de Ley, *Aurifod. iuris publ. pag. 106 2. & seqq.*

Colonienses Electores Sac. Rom. Imper. per Italiam Archi-Cancellarii 47. à S. Heriberto, qui fuit primus, usque ad Serenissimum Baviaræ Ducem Maximilianum Henr. S. Sedis Apostol. Legatum natum.

Electores Bohemiæ Reges Sacri Romani Imperii Archipincernæ, à Vladislao Rege
 Q 3 usque

usque ad Leopoldum I. Imperatorem fuerunt 27.

Palatini Electores S. R. Imperii Archidapiferi 24. à Sigefrido è Duce Lotharingæ, qui fuit primus anno 1002. constitutus usque ad Fridericum exautoratum, & rebellem, à quo Electoratus transit ad Dominum Bavaricam, nempe ad Maximilianum, qui obiit anno 1651. & posteros, quibus tandem in tractatu pacis Monasteriensis admotus est Palatinus Archithesaurarius, vulgo *Erz-Schatz-Meister* / qui post Maximilianum I I. octavam locum obtinet, *Aurifod. iur. publ. pag. 1244.*

Electores Saxonie S. R. Imperii Archimarschalli à Bernardo Duce Angarie usque ad modernum Principem Joannem Georgium, qui fratri suo Christiano successit, fuere 25. hujus abavum Fridericum Carolus V. Imp. mandante Pontifice anno 1547. deposuit, quod contra Papæ & Cæsaris mandatum flagitiosum apostatam & sacrilegum adulterum M. Lutherum protegere, & alia attentare non desisteret. *Vide Aurifod. verb. Hæreticus.*

Electores Brandenburgici S. R. I. Archicamerarii fuere 37. ab Hugone Comite VVerni

VVertinensi a. 1004. à Papa Greg. V. creato usque ad modernum serenissimum Ducem Fridericum V Vilhelmum, quem clementissimus Deus unà cum Palatino, & Saxone ad avitam fidem Romano Catholicam, quam majores eorum sartam, & rectam conservarunt, reducere dignetur, quatenus ejusdem fidei, ac religionis fiant, quæ aliis. Electores imbuti sunt.

Cardinalibus, & Electoribus jure optimo accinguntur *Tessaraproti*, seu *Quatuor Viri S. R. Imp.* qui ex singulis ordinibus constituti. De quibus agitur in *Auris. nostr.* iur. pub. verb. *Quatuor Viri Sac. R. Imp.* pag. 1462.

Sunt autem secundum Matriculam primam sequentes in ordine:

- 4. Duces: Lotharingæ, Sueviæ, Bavariæ, & Brunsvvigæ.
- 4. Landgravii: Thuringiæ, Alsatiæ, Hassiæ, & Leuchtenbergii.
- 4. Marggravii: Badensis, Misniæ, Brandenburg. & Moraviæ.
- 4. Comites Imperii: Cliviæ, Sabaudia, Schwvartzenburg. & Zilli.
- 4. Burgravii: Strombergensis, Reineck, Magdeburg, & Norimberg.

Q 4

4. Equi-

- P. II
9.
- 4. Equites Imperii, oder Ritter: Andelau, Weissenbach, Frayvenberg, & Strundeck.
 - 4. Barones Imperii: Aldenyvalt, Thulis, & Rar, Westenburg, Limburg in Fran.
 - 4. Pagi: Bamberg, Ulma, Hagenovia, & Schlestadtium.
 - 4. Civitates Capitales: Lubeca, Aquisgranum, Metis, Augusta.
 - 4. Burga: Magdeburgum, Lucenburgum, Rotenburgum, Altenburgum.
 - 4. Rustici: Salisburgum, Constantia, Ratisbona, Colonia.
 - 4. Vicarii Imperii: Brabantia, inferior Saxonia, Westria, Silesia.
 - 4. Domini Provinciales: Mediolanum, Padua, Scala, Mirandula.
 - 4. Mareschalli: Rappenheim, Gelich, Meissen, Visting.
 - 4. Abbates Imperii: Murbach, VVeissemburg, Campidon, Fulda.
 - 4. Ritterlich: oder Gefürstete Graven des Reichs: Flandria, Tirolis, Altenburgum, Ferrara.
 - 4. Venatores Imperii: Meiss/Schavvenburg, Urach, Hurn.
4. Oppi-

4. Oppida, seu Vici, *Stecfelein* : Ingelheimb, ubi Carolus Magnus natus est, Altdorff, Liechtenavv, Dencendorff.
4. Famuli S. R. Imperii: Rabnavv, Arnspurg, Hirten à Fulck, VValdeck.
4. Montes, seu Berg: *Münsterberg/ Heidelberg/ Friedberg/ Nürnberg.*
4. Archiofficia, vulgò *Erhämpter*: Kemnat, Marckdorp, Radach, VValtburg.
4. Domus Sac. R. I. Austriaca, Bavarica, Saxonica, & Braunsvviga. Plura vide in *Aurifod. nostra iuris publ. verb. Quatuor Viri S. R. Imperii.*

Correctus Ordo Potentissimorum Principum Electorum Sacri Rom. Imperii.

S. R. I. Archi-Præsules Moguntini.

1. *W*illegisus patre Carpentario, à quo primum Rotæ insignia, quibus ipse adjunxit:

*V*illegis recolas, qui es? & unde venis?

Q 5

Fuit